



# MANUAL KHUTBAH JUMAAT



## TAJUK ; ADAB BERTAMU KETIKA BERPUASA



ISLAMIC SALVAGEUR OBEYANCE

Unit Khutbah  
Bahagian Pengurusan Masjid  
Jabatan Agama Islam Selangor





## "ADAB BERTAMU KETIKA BERPUASA".1

2	الْحَمْدُ لِلَّهِ الْقَائِلِ : وَمَنْ يُطِيعِ اللَّهَ وَرَسُولَهُ فَقَدْ فَازَ فَوْزًا عَظِيمًا ﴿٧١﴾
3	أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَىٰ آلِهِ وَأَصْحَابِهِ أَجْمَعِينَ.
4	أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ! أَوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى: يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ ﴿١٠٣﴾
5	Marilah kita tingkatkan ketakwaan kehadiran Allah SWT, iaitu menurut segala perintah-Nya dan menjauhi larangan-Nya. supaya kita memperoleh keredaan dan keberkatan Allah SWT di dunia dan di akhirat.
6	Khutbah pada hari ini adalah bertajuk " <b>ADAB BERTAMU KETIKA BERPUASA.</b> "
7	Alhamdulillah, kini kita masih merayakan Idulfitri dalam bulan Syawwal, bulan yang disunatkan juga kita berpuasa enam hari yang dikenali sebagai Puasa Enam. Barangkali ada dalam kalangan kita yang sudah menyempurnakan puasa sunatnya, kita ucapkan tahniah, manakala bagi yang belum selesaikan puasanya, ruang untuk menyempurnakan puasa sunat Syawwal masih terbuka sehingga menjelang bulan Zulqae'dah.



Kelebihannya amat kita maklumi berdasarkan hadis yang diriwayatkan oleh Tsauban Radiallahuanhu bahawa Rasulullah SAW bersabda:

8

صِيَامُ شَهْرِ بَعْشَرَةِ أَشْهُرٍ وَسِتَّةِ أَيَّامٍ بَعْدَهُنَّ بِشَهْرَيْنِ فَذَلِكَ تَمَامُ سَنَةٍ

*"Berpuasa sebulan (bulan Ramadhan) disamakan dengan berpuasa sepuluh bulan, dan berpuasa enam hari selepasnya (bulan Syawwal) disamakan dengan berpuasa dua bulan, maka yang sedemikian itu genaplah berpuasa setahun."*

9

*(Hadis riwayat ad-Darimi).*

Allah SWT memberi peluang kepada kita dalam hidup ini, meraih ganjaran pahala yang besar melalui ibadah puasa. Selepas melaksanakan kewajipan berpuasa bulan Ramadhan, kita disunatkan pula berpuasa sunat Syawwal enam hari, dan beberapa jenis puasa sunat yang lain. Antaranya;

**Pertama:** Puasa hari Arafah pada 9 Zulhijjah, khusus kepada mereka yang tidak dalam melaksanakan ibadah Haji.

**Kedua:** Puasa hari Tasu'a iaitu berpuasa pada hari kesembilan bulan Muharram.

**Ketiga:** Puasa hari Asyura iaitu hari ke-10 bulan Muharram.

**Keempat:** Puasa sunat hari Isnin dan Khamis sepanjang tahun.

**Kelima:** Puasa hari-hari Baid (البييض) iaitu hari ke 13, 14 dan 15 pada setiap bulan Islam.

**Keenam:** Bulan-bulan haram (أشهر الحرم) iaitu puasa bulan Rajab, Zulqa'dah, Zulhijjah dan Muharram.

**Ketujuh:** Puasa bulan Sya'ban.

**Kelapan:** Puasa hari-hari Sud (السود) iaitu 28, 29, dan 30 pada tiap-tiap bulan.

10



Persolan mungkin timbul, bagaimanakah kita hendak menyempurnakan ibadah puasa sunat, ketika kita menghadiri undangan majlis jamuan, seperti meraikan hari raya, walimatul urus, kenduri-kendara atau sebagainya. Apakah yang harus kita lakukan ?

11

Sesungguhnya amalan ziarah-menzirahi atau menghadiri undangan majlis jamuan termasuk rumah terbuka hari raya adalah satu amalan yang baik, lebih-lebih lagi jika memberi peluang kepada kita berkenalan, menjalin silaturahim, bemaaf-maafan, menemui saudara-mara lantas mengukuhkan persahabatan. Menurut Ibnu Umar Radiallahuanhu, seorang sahabat Rasulullah SAW apabila diundang ke majlis jamuan, dia tetap memenuhi undangan tersebut, walau pun dalam keadaan berpuasa sunat.

12

berpandukan hadis daripada Abu Hurairah Radiallahuanhu bahawa Rasulullah SAW bersabda:

إِذَا دُعِيَ أَحَدُكُمْ فَلْيُجِبْ فَإِنْ كَانَ صَائِمًا فَلْيُصَلِّ وَإِنْ كَانَ مُفْطِرًا  
فَلْيُطْعَمْ

13

*"Apabila dijemput seorang dalam kalangan kamu ke majlis jamuan, maka hendaklah dia memenuhi jemputan. Jika dalam keadaan berpuasa sunat, maka doakanlah tuan rumah itu. Jika tidak berpuasa maka makanlah."*

14

*(Riwayat Muslim).*



Hal ini menunjukkan bahawa setiap undangan ke sesuatu majlis jamuan tidak boleh dipandang ringan, ianya satu kesalahan jika tidak menghadirinya dengan sengaja, tanpa keuzuran. Mereka yang sedang berpuasa sunat, diharuskan berbuka puasa, bahkan sunat berbuka seandainya tuan rumah itu kelihatan tersinggung atau kecewa jika kita tidak menjamah makanan yang dihidangkannya.

15

Demikian juga halnya jika tuan rumah yang menjemput tetamu atau didatangi oleh tetamu pada hal tuan rumah itu sedang berpuasa sunat, jika tetamunya itu keberatan menjamah makanan yang dihidangkannya, kecuali tuan rumah yang sedang berpuasa itu turut makan bersama, maka sebagai menghormati tetamu, adalah lebih afdal bagi tuan rumah itu berbuka dan makan bersama-sama tetamunya daripada meneruskan puasanya.

16

Hal ini berlaku ketika Rasulullah SAW berkunjung kerumah Ummu Hani Radiallahuanha, beliau menghidangkan minuman kepada baginda. Setelah baginda meminumnya, baginda berikan pula minuman itu kepada Ummu Hani, lalu Ummu Hani pun meminum bakinya. Kemudian Ummu Hani berkata:

17

إِنِّي أَذْنَبْتُ فَاسْتَغْفِرْ لِي. فَقَالَ: وَمَا ذَلِكَ؟ قَالَتْ: كُنْتُ صَائِمَةً فَأَفْطَرْتُ.  
فَقَالَ: أَمِنْ قَضَاءٍ كُنْتَ تَقْضِيْنَهُ؟ قَالَتْ: لَا، قَالَ: فَلَا يَضُرُّكَ.

*"(Kata Ummu Hani) Aku telah berdosa, maka mintakanlah keampunan untukku. Rasulullah SAW bertanya; Apakah dosamu itu? Ummu Hani berkata:" Aku ni berpuasa, dan aku telah berbuka". Baginda bertanya lagi; Adakah puasa qadha yang engkau lakukan itu? Ummu Hani menjawab: Tidak. Baginda bersabda; (membatalkan puasa sunat itu) tidak memberi mudarat kepadamu."*

18

*(Riwayat at-Tirmizi).*



Dalam sebuah hadis yang diriwayatkan oleh Abu Said al-Khudri Radiallahuanhu beliau berkata; "Aku membuat makanan untuk Rasulullah SAW, lalu baginda dan sahabat-sahabat baginda datang. Maka apabila makanan dihidangkan, seorang lelaki daripada satu kaum berkata; Sesungguhnya aku sedang berpuasa. Maka Rasulullah SAW bersabda;

19

دَعَاكُمْ أَخُوكُمْ وَتَكَلَّفَ لَكُمْ، ثُمَّ قَالَ لَهُ أَفْطِرُ وَصُمْ مَكَانَهُ يَوْمًا إِنْ شِئْتَ

*"Saudara kamu menjemput kamu dan bersusah payah untuk kamu. Kemudian Baginda menyambung sabdanya; Berbukalah dan berpuasalah pada hari lain, sebagai gantinya jika kamu mahu."*

*(Riwayat al-Baihaqi).*

20

Menurut kitab Muhgni al-Muhtaj, seandainya tuan rumah tidak tersinggung apabila tetamunya berpuasa sunat, maka lebih utama tetamu itu meneruskan puasanya. Jika dia berbuka, tidak akan beroleh pahala puasa yang telah dilakukannya. Berlainan halnya jika tuan rumah berpuasa, dan berbuka kerana ingin menemani temannya makan, maka puasanya itu beroleh pahala, walaupun dia tidak menyempurnakan puasanya itu. Menurut para ulama, seseorang yang tidak meneruskan puasa sunatnya tanpa keuzuran, adalah hukumnya makruh.

21



Hal ini berdasarkan zahir daripada firman Allah SWT dalam surah Muhammad ayat 33:

يَا أَيُّهَا الَّذِينَ ءَامَنُوا أَطِيعُوا اللَّهَ وَأَطِيعُوا الرَّسُولَ وَلَا تُبْطِلُوا  
أَعْمَالَكُمْ ﴿٣٣﴾ 22

*"Wahai orang-orang yang beriman! Taatlah kamu kepada Allah dan taatlah kepada  
Rasul Allah dan janganlah kamu batalkan amal-amal kamu!."* 23

Demikian juga menurut Mazhab al-Syafie, orang yang tidak meneruskan puasa sunat, sama ada kerana keuzuran atau pun tidak, maka tidaklah wajib ke atasnya mengqada puasa itu. Bahkan hukum mengqadanya adalah sunat sahaja. Walau bagaimana pun, jika seseorang menghadiri sesuatu majlis jamuan, sedangkan ia berpuasa yang wajib seperti berpuasa qada atau puasa nazar, maka haram baginya berbuka. Cukuplah baginya sekadar menghadiri majlis tersebut dan mendoakan keberkatan serta keampunan keatas tuan rumah dan para jemputan yang hadir. 24





Bagi mengakhiri khutbah ini, marilah kita menghayati beberapa saranan berikut:

1. Umat Islam mestilah memenuhi undangan saudaranya tanpa sesuatu keuzuran, walaupun dia sedang berpuasa sunat.
2. Umat Islam harus membatalkan puasa sunatnya jika diperlukan, bagi menjaga hubungan kasih sayang kepada yang mengundangnya.
3. Umat Islam yang berpuasa Qada atau nazar, haram membatalkan puasanya, semata-mata untuk kegembiraan kepada yang mengundangnya.
4. Umat Islam yang beriman dan beramal soleh, akan beroleh ganjaran besar daripada Allah iaitu syurga.

25

أَعُوذُ بِاللَّهِ مِنَ الشَّيْطَانِ الرَّجِيمِ  
وَمَنْ يَعْمَلْ مِنَ الصَّالِحَاتِ مِنْ ذَكَرٍ أَوْ أُنْثَىٰ وَهُوَ مُؤْمِنٌ فَأُولَٰئِكَ يَدْخُلُونَ الْجَنَّةَ  
وَلَا يُظْلَمُونَ نَقِيرًا ﴿١٢٤﴾

26

*"Dan sesiapa yang mengerjakan amal soleh, dari lelaki atau perempuan, sedang dia beriman, maka mereka itu akan masuk Syurga dan mereka pula tidak akan dianiaya (atau dikurangkan balasannya) sedikitpun."*

27

(Al-Nisa : ayat 124).

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ  
الْآيَاتِ وَالذِّكْرِ الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ  
الْعَلِيمُ.

28

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ  
وَالْمُسْلِمَاتِ، فَاسْتَغْفِرُوهُ إِنَّهُ هُوَ الْغَفُورُ الرَّحِيمُ

29





## KHUTBAH KEDUA

1	الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،
2	وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.
3	أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.
4	Marilah sama-sama kita bertakwa kepada Allah SWT dengan melakukan ketaatan kepada-Nya dan menjauhkan diri daripada perbuatan keji dan maksiat.
5	إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
6	اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ.
7	اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ وَيَا قَاضِيَ الْحَاجَاتِ.
8	اللَّهُمَّ اعِزِّ الْإِسْلَامَ وَالْمُسْلِمِينَ، وَأَهْلِكَ الْكُفْرَةَ وَالْمُبْتَدِعَةَ وَالْمُشْرِكِينَ.



اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ، وَنَسْأَلُكَ بِأَسْمَائِكَ الْحُسْنَى، وَصِفَاتِكَ الْعُظْمَى، أَنْ تَحْفَظَ بَعَيْنِ عِنَايَتِكَ الرَّبَّانِيَّةَ، وَتَحْفَظَ وَقَايَتِكَ الصَّمَدَانِيَّةَ،	9
جَلَالَةَ مَلِكِنَا الْمُعْظَمِ، سُلْطَانَ سَلَاطِينِ، سُلْطَانَ شَرَفِ الدِّينِ ادریس شاه الحاج ابن المرحوم سُلْطَانَ صَلَاحِ الدِّينِ عبد العزيز شاه الحاج.	10
اللَّهُمَّ أَدِّمِ الْعُونَ وَالْهَدَايَةَ وَالتَّوْفِيقَ، وَالصِّحَّةَ وَالسَّلَامَةَ مِنْكَ، لَوْلِي عَهْدِ سَلَاطِينِ، تَعَكُّوْا أَمِيرِ شَاهِ ابْنِ السُّلْطَانَ شَرَفِ الدِّينِ ادریس شاه الحاج،	11
فِي أَمْنٍ وَصَلَاحٍ وَعَافِيَةٍ بِمَنِّكَ وَكَرَمِكَ يَا ذَا الْجَلَالِ وَالْإِكْرَامِ. اللَّهُمَّ أَطْلِ عُمْرَهُمَا مُصْلِحِينَ لِلْمُؤَظَّفِينَ وَالرَّعِيَّةِ وَالْبِلَادِ، وَبَلِّغْ مَقَاصِدَهُمَا لِطَرِيقِ الْهُدَى وَالرِّشَادِ.	12
Ya Allah, kurniakanlah petunjuk kepada kami untuk mendirikan solat fardu lima waktu secara berjemaah, menunaikan zakat melalui Lembaga Zakat Selangor, mewakaf harta melalui Perbadanan Wakaf Selangor dan menginfakkan harta pada Tabung Infak Jariah Umat Islam Selangor (TIJARI) dan kepada anak-anak yatim melalui Yayasan Islam Darul Ehsan (YIDE).	16
Jadikanlah kami antara hamba-Mu yang menjaga amanah. Kuatkan iman kami agar menjauhi perbuatan khianat serta jauhkan kami termasuk dalam golongan yang mengabaikan tanggungjawab dan jauhi negeri dan negara kami daripada kehancuran disebabkan perbuatan rasuah.	17



<p>Serahkan tanggungjawab memimpin negara kami kepada hamba-Mu yang amanah dan jujur serta tegas lagi berani menegakkan kebenaran dan melaksanakan keadilan berlandaskan syariat. Jadikanlah Ya Allah masjid dan surau di Negeri Selangor rumah-rumah-Mu yang aman, mempersatukan dan menjadi nadi kekuatan ummah.</p>	18
<p>اللَّهُمَّ يَا دَافِعَ الْبَلَاءِ، اِدْفَعْ عَنَّا هَذَا الْوَبَاءَ وَالْبَلَاءَ وَالْمَرَضَ وَالشَّدَائِدَ وَالْمِحْنَ، بِلُطْفِكَ يَا لَطِيفُ إِنَّكَ عَلَى كُلِّ شَيْءٍ قَدِيرٌ وَبِالْإِجَابَةِ جَدِيرٌ.</p>	19
<p>رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ وَاجْعَلْنَا لِلْمُتَّقِينَ إِمَامًا. رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ ﴿٢١﴾.</p>	20
<p>عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾</p>	21
<p>فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَى نِعَمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِيكُمْ وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.</p>	22